



Autoriteti Rregullator për Shërbime të Ujit, në bazë të kompetencave të dhëna me nenin 4 paragrafi 2 dhe neni 3 paragrafi 3 të Ligjit Nr. 05/L-042 për Rregullimin e Shërbimeve të Ujit, neni 8 paragrafi 2 pika a, të Ligjit Nr. 02/L-109 për Parandalimin dhe Luftimin e Sëmundjeve Ngjitëse, dhe me qëllim të zbatimit të masave për parandalimin dhe luftimin e infeksionit COVID 19, të marruar nga Qeveria e Republikës së Kosovës, nxjerr:

VENDIM për pezullimin e ndërprerjeve të shërbimeve të ujësjellësit

1. Me qëllim të ofrimit të shërbimeve të ujit gjatë kohëzgjatjes së pandemisë Covid 19, pezullohen ndërprerjet e ujit për të gjitha kategoritë e konsumatorëve deri në një vendim tjetër.
2. Pika 1 e këtij vendimi nuk zbatohet në raste kur:
 - 2.1. Vlerësohet se vazhdimi i ofrimit të shërbimeve paraqet rrezik të drejtpërdrejtë për jetën dhe shëndetin e personave fizik;
 - 2.2. Rrjeti i shpërndarjes së shërbimeve të ujësjellësit është në rrezik të drejtpërdrejtë të humbjes së madhe ose të shkatërrimit;
 - 2.3. Ofruesi i shërbimeve ka për qëllim riparimin dhe mirëmbajtjen e rrjetit të ujësjellësit (në këto raste, konsumatorët duhet të njoftohen paraprakisht për kohëzgjatjen e ndërprerjes);
 - 2.4. Uji keqpërdoret nga konsumatorët, dhe si rrjedhojë shkaktohen humbje të mëdha;
3. Ky vendim hyn në fuqi në ditën e nënshkrimit.

ARSYETIM

Meqenëse situata e gjendjes emergjente e krijuar nga COVID-19, realisht duket se do të zgjasë më shumë se parashikimet fillestare, ARRU ka nxjerrë këtë Vendim me qëllim të mbrojtës së jetës dhe shëndetit të qytetarëve. Duke pasur parasysh se shërbimet e ujit janë shërbime jetike, sidomos në gjendjen emergjente të krijuar nga Covid-19, me qëllim të zbatimit të rekomandimeve të OBSH

dhe Ministrisë së Shëndetësisë për ngritjen e nivelit të higjienës si një ndër masat kryesore për parandalimin dhe luftimin e infeksionit COVID 19, si dhe duke u marrë parasysh edhe praktikrat e njëjta të vendeve anëtare të shoqatës së Rregullatorëve Evropian (WAREG), ARRU konsideron se ndërprerjet e ujit, përveq në rastet e cekura në këtë Vendim, duhet të pezullohen.

Nga arsyet e cekura më lart, Drejtori i Autoritetit Rregullator për Shërbime të Ujit vendosi si në dispozitiv të këtij vendimi.

Këshillë juridike: Kundër këtij vendimi pala e pakënaqur ka të drejtë ankese në Komisionin Shqyrtues në afat prej 30 (tridhjetë) ditë kalendarike, nga dita e pranimit të këtij vendimi.

T'i dërgohet:

1x Arkivit të ARRU,

1X Të gjithë Kryeshefave Ekzekutiv të KRU-ve

1x Dep. për Çështje Ligjore dhe Licencim,

1x Njesisë për Inspektim.

